



閩媛典第四十六卷

閩烈部列傳二

遼 耶律朮者妻蕭氏

按遼史列女傳耶律朮者妻蕭氏小字訛里本國舅李董之女性端慤有容色自幼與他女異年十八歸朮者謹裕貞婉娣姒推尊之及居朮者喪極哀毀既葬謂所親曰夫婦之道如陰陽表裏無陽則陰不能立無表則裏無所附妾今不幸失所天且生必有死理之自然朮者早歲登朝有才不壽天禍妾身罹此酷罰復何依恃儻死者可見則從不可見則當與俱侍婢慰勉竟無回意自刃而卒

蕭氏按盛京通志作葉氏

耶律中妻蕭氏

按遼史列女傳耶律中妻蕭氏小字援蘭韓國王惠之四世孫聰慧謹愿年二十歸中事夫敬順親戚咸譽其德中嘗謂曰汝可粗知書以前貞淑爲鑑遂發心誦習多涉古今天慶中爲賊所執潛置刃於履誓曰人欲污我者卽死之至夜賊遁而免久之帝召中爲五院都監中謂妻曰吾本無宦情

今不能免我當以死報國汝能從我乎援蘭對曰謹奉教及金兵徇地嶺西盡徙其民中守節死援蘭悲感不形於外人怪之俄躍馬突出至中死所自殺論曰陳氏以經教二子並爲賢相耶律氏自潔不嫁居閨闔之內而不忘忠其君非賢而能之乎三蕭氏之節雖烈丈夫有不能者矣

耶律奴妻蕭氏

按盛京通志耶律奴妻小字意辛國舅駙馬都尉陶蘇幹之女二十始適奴以孝謹聞奴與樞密使乙辛有隙被誣奪爵流烏古部帝以意辛公主之女欲使絕婚意辛曰陛下天地之恩然夫婦之義死生以之臨難頓乖綱常禽獸何異帝從之命召還子國隱仕保大中意辛謂諸子曰吾度盧彥倫必叛汝輩速避我當死之賊至遇害

宋 王孝謙妻袁氏

按太平御覽九江王孝謙妻者同郡袁氏之女字貴女與母俱流移共止孝謙好酒兇悖無子聲之禮貴女每涕泣諫喻不能匡改母怨孝謙之爲貴女輒悲哀不食言於鄰人曰爲子致母於辱非孝也事無道之人非義也昔秋胡之妻不忍見不義之人我何爲生於世間哉乃自殺

龔氏二女

按閩通志龔氏二女慎義女也開寶初慎義守歙以不從盧絳之亂舉家遇害獨二女被擄至縣之王堂香巖寺絳恣飲以二女幼不設防二女遂縊於寺後之小阜後人名其死所曰烈女臺

張氏

按宋史列女傳張氏鄂州江夏民婦里惡少謝師乞過其家持刀逼欲與爲亂曰從我則全不從則死張大罵曰庸奴可死不可他也至以刃斷其喉猶能走擒師乞以告鄰人既死朝廷聞之詔封旌德縣君表墳曰烈女之墓賜酒帛令郡縣致奠

郝節娥

按宋史列女傳郝節娥嘉州娼家女生五歲母娼苦貧賣於洪雅良家爲養女始笄母奪而歸欲令世其娼娥不樂娼日逼之娥曰少育良家習織作組紃之事又輒精巧粗可以給母朝夕欲求此身使終爲良可乎母益怒且箠且罵洪雅春時爲蠶叢祠娼與邑少年期因蠶叢具酒邀娥娼與徐往娥見少年倉皇驚走母挽掙不使去不得已留坐中時時顧酒食輒唾強飲之則嘔噦滿地少年卒

不得侵凌暮歸過鷄鳴渡娥度他日必不可脫陽渴求飲自投於江以死鄉人謂之節娥云

朱氏

按宋史列女傳朱氏開封民婦也家貧賣巾屨簪珥以給其夫夫日與俠少飲博不以家爲事犯法徙武昌父母欲奪而嫁之朱曰何迫我如是耶其夫將行一夕自經死且曰及吾夫未去使知我不爲不義屈也吳充時爲開封府判官作阿朱詩以道其事

趙氏

按宋史列女傳趙氏貝州人父嘗舉學究王則反聞趙氏有殊色使人劫致之欲納爲妻趙日號哭慢罵求死賊愛其色不殺多使人守之趙知不脫乃給曰必欲妻我宜擇日以禮聘賊信之使歸其家人懼其自殞得禍於賊益使人守視賊具聘帛盛輿從來迎趙與家人訣曰吾不復歸此矣問其故答曰豈有爲賊污辱至此而尙有生理乎家人曰汝忍不爲族計趙曰第無患遂涕泣登輿而去至州靡舉簾視之已自縊輿中死矣尙書屯田員外郎張寅有趙女詩又按諧史慶曆中貝賊王則倡亂率衆閉門爲不軌知城中女子無如趙氏女美致帛萬端金千斤聘爲妻且曰女若不行卽

滅爾族父母不敢違獨女不可曰吾雖女子戴天子天履天子土十九年矣縱不能執兵討叛奈何妻之泣涕不食父母族人守之以所得后服衣之女曰妻賊何后也家人掩其口卒逼以往女登輿自殘于輿中賊盛禮待之聞報皆失色而賊之親信自殺者三人縋城逃者七十四人懼爲賊所魚肉也自此賊焰漸衰以至於敗嗚呼識去就知廉恥仗節死義者天下皆以是望士君子而不以是望衆庶常以是望男子而不以是望婦人今趙氏一民家女耳表表之節如是可謂出于人所甚難而天下之所未嘗望者彼士君子號爲男子者觀之寧不有愧於心耶

歐陽文忠妾盧兒

按鳳陽府志盧兒歐陽文忠公妾也公卒盧兒哭之慟目流血以死乃殉葬焉

劉潛妻姜氏

按兗州府志姜氏定陶人劉潛妻潛以母死一慟遂絕姜撫潛大號而死時人傷之

趙氏婦

按夔州府志趙氏婦達州人少年嫠居守志貞篤有兇人欲犯之誘之百端終不可得脅以白刃亦

古今圖書集成
不爲動遂刺殺之皇祐二年州守薛俅立石表其墓後邑令薛仲侃創祠祀焉

曹觀妻劉氏

按閩書曹觀妻劉氏皇祐五年觀守封州儂智高陷郡劉逃之林垌旣聞觀死曰不可污賊遂自經
追封彭城縣君

曹觀妹

按閩書曹觀妹從觀官次觀遇害亦自刎

黃婦余正

按閩書余正年十六父從周以許甌窻黃壽明年將笄土豪伍馬榮者欲強委禽焉余據禮告父父以女辭辭之遂歸於黃于歸之日豪遣百餘人要於道殺黃奪余余給曰返致吾言吾未爲黃婦勢且適人孰與主公汝以脅取吾以脅歸雖在主公實憎之毋寧歸而待聘主公與我俱免人口百餘人者皆去余扶黃屍歸白於官土豪坐誅遂卜地葬夫自殺以從時至和己巳歲也

徐廣妻蔡氏

滅爾族父母不敢違獨女不可曰吾雖女子戴天子天履天子土十九年矣縱不能執兵討叛奈何妻之泣涕不食父母族人守之以所得后服衣之女曰妻賊何后也家人掩其口卒逼以往女登輿自殘于輿中賊盛禮待之聞報皆失色而賊之親信自殺者三人縋城逃者七十四人懼爲賊所魚肉也自此賊焰漸衰以至於敗嗚呼識去就知廉恥仗節死義者天下皆以是望士君子而不以是望衆庶常以是望男子而不以是望婦人今趙氏一民家女耳表表之節如是可謂出于人所甚難而天下之所未嘗望者彼士君子號爲男子者觀之寧不有愧於心耶

歐陽文忠妾盧兒

按鳳陽府志盧兒歐陽文忠公妾也公卒盧兒哭之慟目流血以死乃殉葬焉

劉潛妻姜氏

按兗州府志姜氏定陶人劉潛妻潛以母死一慟遂絕姜撫潛大號而死時人傷之

趙氏婦

按夔州府志趙氏婦達州人少年嫠居守志貞篤有兇人欲犯之誘之百端終不可得脅以白刃亦

不爲動遂刺殺之皇祐二年州守薛球立石表其墓後邑令薛仲侃創祠祀焉

曹觀妻劉氏

按閩書曹觀妻劉氏皇祐五年觀守封州儂智高陷郡劉逃之林垌旣聞觀死曰不可污賊遂自經追封彭城縣君

曹觀妹

按閩書曹觀妹從觀官次觀遇害亦自刎

黃婦余正

按閩書余正年十六父從周以許甌窻黃壽明年將笄土豪伍馬榮者欲强委禽焉余據禮告父父以女辭辭之遂歸於黃于歸之日豪遣百餘人要於道殺黃奪余余給曰返致吾言吾未爲黃婦勢且適人孰與主公汝以脅取吾以脅歸雖在主公實憎之毋窻歸而待聘主公與我俱免人口百餘人者皆去余扶黃屍歸白於官土豪坐誅遂卜地葬夫自殺以從時至和己巳歲也

徐廣妻蔡氏

按揚州府志蔡氏興化人徐廣妻廣爲寧鄉主簿病篤死蔡市毒服之亦死焉秦觀稱其奇節爲作烈婦傳

程小姑

按四川總志小姑大邑人姚三五妻姚出外小姑熒然處閨中夜漏半強奴挾刃逼之姑號呼義不受辱身被重傷竟全大節縣上其事論奴如律大觀中封旌德縣君

孫婦項氏

按宋史列女傳項氏吉州吉水人居永昌里適同里孫氏宣和七年爲里胥所逮至中途欲侵凌之項引刀自刺而死郡以聞詔贈孀人旌表其廬

向薌林妾

按話腴馬友犯長沙向薌林捍之不敵而潰道遇友別將方舟而來家人輩惶懼知弗脫矣賊指求薌林愛妾妾聞命無懼色自語賊曰必欲我當以車馬來賊許之妾卽盛飾以待家人駭之然猶謂其往可以紓難頃刻肩輿至卽奮而登旣過河望賊舟不甚相遠妾忽語輿卒欲少止輿卒乃弛轎

妾一躍入水急援之已絕矣賊相顧不發薊林亦悠然而去

杜氏女

按金華府志杜氏女年二十未配宣和間里有悍賊乘方臘亂扣杜門大言曰以女遺我否則族汝家矣舉家驚泣以告女曰無恐以一女易一家曷爲不可待我浴而出趣具湯其家以告賊相與歡笑而俟女閉門浴畢更衣就綰母呼不應開戶視之死矣惶遽號噉屋瓦皆鳴賊聞驚駭相視捨去

陳氏女

按金華府志陳氏女年十九未字宣和辛丑官軍捕寇所過抄掠女被執植白刃於女傍曰從我則以汝爲婦否則死女色不爲動掠髮伸頸請受刃頭墮地轉動血逆流而面如生目怒視不瞑觀者愕然嘖嘖驚嘆時百鳥哀鳴浮雲晝暝白日無光狂風振林木陳龍川爲之傳

周氏女

按金華府志周氏女行三許嫁鮑勸鮑家日替父欲改嫁不從有陳姓者恃勢將脅娶之女投於水以救得不死脅者愈急乃自縊

章侯妻應氏

周氏附

按金華府志應氏章侯妻及其姒周氏相歡如同產宣和間方臘作亂所過殺掠咸望風走避應病足與十歲兒居周歔歔不忍捨去應曰妾以足致命耳姒可不急避禍周曰生死同之何避焉未幾賊至肆威迫周扶應相與罵賊而死方殺應兒泣謂賊曰殺我勿殺二母賊怒并殺之

張廷榮妻王氏

按青州府志王氏進士張廷榮妻壽光人宣和間賊邢真執其翁王以金帛贖之又欲逼其從王怒罵不止遂殺之時年二十詔旌其門

程淑清女

按歙縣志程淑清女在城人方臘來寇舉家逃避女年十七父母慮其不免謂之曰儻兵逼爾奈何女曰當以死拒之明日散走東塘山中女適遇賊賊初以好言誘之繼脅以刃女曰吾知有官府不知有賊賊先斷其髮女唾罵賊知不可屈殺之糜其屍乃去收葬東塘

汪福妻王氏

吳氏附

按歙縣志王氏富場汪福妻福子承和父子皆遠賈宣和間方臘寇歙王謂婦吳曰勢迫我老不能
竄汝宜速去乃潛匿閨中吳往省之已死遂出衾衣手殮之亦引繩自絕亂平父子俱歸繼娶生子

石公巖女

按浙江通志石公巖女新昌人宣和間方臘寇縣女被執給曰願容粉澤賊然之遂取剃刀自刎

張晉卿妻丁氏

按宋史列女傳張晉卿妻丁氏鄭州新鄭人參知政事度五世孫也靖康中與晉卿避金兵於大隗
山金兵入山爲所得挾之鞍上丁自投於地戟手大罵連呼曰我死卽死耳誓不受辱於爾輩復挾
上馬再三罵不已卒乃舉槌縱擊遂死杖下

焦有間妻洪氏

二婢附

按梁溪漫志洪氏鴻父羽之女適繁昌焦有間遇巨賊於江中欲逼之義不受污投江而死兩侍兒
大曰宜思小曰勻奴姓吳氏女兄弟俱有色藝亦相隨赴水死焦之甥徐伯遠傳其事

王氏姊妹

按萊州府志王氏姊妹膠州人靖康中姊妹從母避亂爲兵所獲兵悅其色欲挾以行女給曰放母還當從汝兵卽縱母去二女義不受辱相謂曰我閨閣家女豈爲賊所污俱投海而死里人壯其烈收其屍埋之曰雙女塚

武婦字文氏

按黎城縣志字文氏武某妻夫早亡靖康丙午金兵陷黎次年金兵再至大肆殘掠其將脅氏欲室之氏罵曰狗奴執我何爲卽墜井而死

劉士英妻陳氏

按蘇州府志陳氏郡人劉士英妻建炎初居父母家被擄赴井死士英字仲發武康人靖康初通判太原與金人戰被執罵賊不輟遂裂死旌其廟曰忠烈

范孝純妻師氏

按宋史列女傳師氏彭州永豐人父驥政和二年省試第一宣和中爲右正言十餘日凡七八疏論權倖及廉訪使者之害而去女適范世雍子孝純建炎初還蜀至唐州方城縣會賊朱顯終掠方城

孝純先被害賊執師氏欲強之許以不死師罵曰我中朝言官女豈可受賊辱吾夫已死宜速殺我賊知不可屈遂害之

按四川總志載二女姊妹同死

王氏二婦

按宋史列女傳王氏二婦汝州人建炎初金人至汝州二婦爲所掠擁置舟中遂投漢江以死屍皆浮出不壞人爲收葬城外江上爲雙塚以表之

賴仲元妻葉氏

按閩書石城人賴仲元妻葉氏建炎初盜起寧化直搗石城時仲元客遊嶺表葉以夫壻外出舅姑年邁勢不能逃委命以待俄寇至閭里婦女悉被驅逼葉極口罵賊以身觸刃寇怒斷其喉舌子女皆遇害

董氏女

按宋史列女傳董氏女沂州滕縣人許適劉氏子建炎元年盜李昱攻剽滕縣悅其色欲亂之誘諭再三曰汝不我從當剗汝萬段女終不屈遂斷其首劉氏子聞女死狀大慟曰烈女也葬之爲立祠

馬元穎妻榮氏

按宋史列女傳榮氏薨女弟也自幼如成人讀論語孝經能通大義事父母孝歸將作監主簿馬元穎建炎二年賊張遇寇儀真榮與其姑及二女走維揚姑素羸榮扶掖不忍舍俄賊至脅之不從賊殺其女脅之益急榮厲聲詆罵遂遇害

張彌妻徐氏

按宋史列女傳徐氏和州人閨中女也適同郡張彌建炎三年春金人犯維揚官軍望風奔潰多肆擄掠執徐欲污之徐瞋目大罵曰朝廷蓄汝輩以備緩急今敵犯行在旣不能赴難又乘時爲盜我恨一女子不能引劍斷汝頭以快衆憤肯爲汝辱以苟活耶第速殺我賊慙恚以刃刺殺之投江中而去

徐烈女

按崇仁縣志徐烈女平原田家女也建炎三年冬六軍扈從隆祐太后往章貢軍帥王世雄叛犯崇仁女年甫笄有容色爲賊所執欲污之以刃加頸女厲聲大罵賊怒剜剔鬱割慘毒備極以死鄉先

生黃興嗣爲作傳

王宣妻曹氏

按宋史列女傳建炎三年春盜馬進掠臨淮縣王宣要其妻避之曹曰我聞婦人死不出閨房賊至宣避之曹堅臥不起衆賊劫持之大罵不屈爲所害

吳永年妻何氏

永年姊
吳氏

按宋史列女傳何氏吳人吳永年妻也建炎四年春金兵遁去城中人死者五十餘萬永年與其姊及其妻何奉母而逃母老待挾持而行卒爲賊所得將繫其姊及何何給謂賊曰諸君何不武耶婦人東西惟命爾賊信之行次水濱謂其夫曰我不負君遂投於河其姊繼之

晏孝廣女

按梁溪漫志晏元憲公四世孫女其父孝廣爲鄧州南陽縣尉女子字師姑年十五從叔孝純官於廣陵建炎三年人係以北每欲侵凌之輒擲身於地僵仆氣絕或自縊或投於井皆救而獲免其主母愛之撫育如己出兵中爭傳誇焉